

ich? Was ist mein Haus gegen Gott? Es ist  
ta nicht ein solch Haus/das bey Gott solcha  
er vnaussprechlichen ehren würdig sey / von  
welchem Messia der 3<sup>da</sup> Israel Gottes  
Son/der gerechte Herrscher vnter den mens  
schen/sol geboren werden. Vnd fellt hiemit  
David herunter in grosse demut vnd ver  
wundern / das von seinem Fleisch vnd Blut  
solch grosse ding komen sollen. Das ander  
stück vom Ewigen Bunde vnd Hause Da  
uids/hab ich in dem büchlin / von den Jü  
den zimlich gnug gehandelt/vnd damit an  
dern vrsachen gegeben/weiter vnd besser zu  
handeln. Die folgend zwey wort / Arucha  
vnd Schemura/Wol geordnet vnd gehal  
ten/Sind mit vleis gesetzt zur lere vnd trost/  
Denn so du ansihest die Historien/wird dich  
dünccken/Gott habe seines Bundes vergessen  
vnd den nicht gehalten/ So gar wüst vnor  
dig vnd seltsam gehets zu/in Davids Hause  
vnd nach komen. Noch ist bis auff Messia  
nicht allein gehalten / Sondern ist alles in  
seiner ordnung/wol vnd fein blieben/wider al  
le Teuffel vnd menschen. Vnd hats niemand  
können endern noch dempffen / Sondern  
habens müssen lassen gehen vnd stehen/ein  
Scepter Juda/wie es verheissen ist/bis auff  
Messia.

Aber nach Messia / ist sein Reich die  
X Kirche